

卷四  
百三十一

（Faint bleed-through text from the reverse side of the page, including the characters '清水寺緣起' and '大學頭明衡朝臣'）

清水寺緣起

大學頭明衡朝臣

抑昔有一聖人名曰延鎮蓋報恩大師入室弟子也  
六時三昧之行年久弘法利生之願日積著羅衣以  
出聚落杖木屐以入山林宝龜九年四月八日抖擻  
之次尋到勝地是則山城因愛宕那八坂鄉東山之  
麓也翠嶺圍繞自移爐峯之雲瀑泉飛流如倒銀漢  
之浪溪邊有妙菴之居菴中有白衣之人延鎮聖人  
問云居士住此經幾年哉名姓為誰年齡不審居士  
云名乃行敷性在隱遁心念大悲觀音口誦千手真  
言棲居此地久避喧囂露住霜來齡及二百言談未

卷四百三十一  
三十一



畢居士忽失延鎮驚事之希有悟地之靈勝止宿庵  
中練行瀧下爰大納言坂上卿遊獵之次欲飲冷水  
尋得飛泉相會延鎮殊以歸依便占件地可建伽藍  
之由言約已畢延曆十七年七月二日延鎮聖人與  
坂大將軍同心合力始奉造金色十一面四十手觀  
世音菩薩像假造宝殿所奉安置也号清水寺又  
名北觀音寺也同北四年奏請寺地永以施入便以  
茲寺為栢原天皇御願矣大同二年亞相宗室三善  
命婦壞運寢殿建立佛堂康平七年八月十八日燒  
失同十一月三日造畢云

### 醍醐寺緣起

在山城國宇治郡笠取山

右當寺者根本尊師昔振飛錫遍遊名山翠嵐吹衣  
何巖不踏白雲拂首何岫不探徒尋道世長往之蹤  
未得令法久住之地爰於普明寺七ヶ日之間祈念  
佛法相應之靈地酬彼祈願五色之雲聳當山之峯  
因茲攀昇此峯欣然如歸故鄉嘿尔欲建精舍而谷  
有獨老翁嘗泉水麤醍醐味爰尊師問老翁曰此處  
建精舍將欲弘佛法永可久住哉老翁答曰此山者  
是古仙練行之洞諸天衛護之砌前仙之遊處名神